

# Menyamun merata negeri

Empat ahli Geng Ah Hau sewa kereta mewah untuk pecah rumah di lima negeri tumpas

Oleh NURUL HIDAYAH HAMID

ALOR SETAR

**K**umpulan penjenayah pecah rumah dikenali sebagai Geng Ah Hau tumpas dengan penahanan empat orang ahlinya dalam operasi berasingan di Kedah dan Kuala Lumpur sejak Khamis lepas.

Kesemua suspek berusia antara 32 hingga 44 tahun itu didapati memiliki pelbagai rekod kesalahan lampau termasuk terlibat dalam beberapa kejadian pecah rumah di Kuala Lum-



Zainuddin (dua dari kanan) pada sidang akhbar di IPK Kedah di Alor Setar semalam menunjukkan peralatan digunakan Geng Ah Hau untuk melakukan pecah rumah.

pur, Perak, Pahang, Kedah dan Pulau Pinang sejak akhir 2019.

Ketua Polis Kedah, Datuk Zainuddin Yaacob percaya penahanan keempat-empat suspek berjaya menyelesaikan kes pecah rumah di beberapa negeri

terbabit dan kini sedang memburu saki-baki ahli kumpulan itu.

“Kesemua suspek ditahan reman selama enam hari sejak semalam (kelmarin) mengikut Seksyen 395 kerana rompakan

berkumpul dan Seksyen 477 kerana pecah rumah,” katanya pada sidang akhbar di Ibu Pejabat Polis Kontinjen (IPK) Kedah di sini semalam.

Terdahulu katanya, bertindak atas maklumat, sepasukan

anggota Bahagian Siasatan Jenayah Ibu Pejabat Polis Daerah (IPD) Kulim menahan seorang lelaki di sebuah rumah di Tikam Batu, Sungai Petani pada 30 Julai lepas.

Zainuddin berkata, penahanan lelaki terbabit membawa kepada penahanan tiga lagi ahli kumpulan termasuk dalam utama di Kuala Lumpur kira-kira empat hari kemudian.

Zainuddin berkata, siasatan pihaknya mendapati keempat-empat suspek terbabit disyaki terlibat dalam empat kes pecah rumah di sekitar Lunas dan Kulim pada 22 Julai lepas dengan nilai kerugian sebanyak RM250,000.

“Modus operandi kumpulan itu adalah bergerak dalam satu kumpulan dengan menaiki kereta mewah yang disewa dari syarikat kereta sewa melalui internet dengan mensasarkan rumah-rumah yang tiada penghuni dan memiliki persekitaran sunyi,” katanya.